



- SENAT -

Broj: 01-1-1/26

Sarajevo, 14. 01. 2026. godine

Z A P I S N I K

**SA 3. VANREDNE SJEDNICE SENATA UNIVERZITETA U SARAJEVU
ODRŽANE 14. 01. 2026. GODINE**

Prisutni/e članovi/ice Senata: prof. dr. Tarik Zaimović, rektor, prof. dr. Dženana Husremović, prof. dr. Benina Veleđar, prof. mr. Arma Tanović Branković, prof. dr. Naris Pojskić, prorektori/ice, Jusuf Bukva, student-prorektor, prof. dr. Dubravka Pozderac-Lejlić, prof. mr. Faruk Lončarević, prof. dr. Erdin Salihović, prof. dr. Meliha Bašić, prof. dr. Jasmin Velagić, prof. dr. Mustafa Hasani, prof. dr. Jasmin Ahić, prof. dr. Sead Turčalo, prof. dr. Ifet Mahmutović, prof. dr. Ahmed Ahmić (po ovlaštenju), prof. dr. Arzija Pašalić, prof. dr. Mirza Dedić, prof. dr. Adnan Busuladžić, prof. dr. Samir Dolarević, prof. dr. Mario Bernadić, prof. dr. Nedim Pervan (po ovlaštenju), prof. mr. Ališer Sijarić, prof. dr. Mirela Omerović, prof. dr. Samir Muhamedagić (po ovlaštenju), prof. dr. Zinka Grbo, prof. dr. Nusret Drešković, prof. dr. Mirjana Gojkov - Vukelić (po ovlaštenju), prof. dr. Besim Balić, prof. dr. Sabina Šerić – Haračić (po ovlaštenju), prof. dr. Adaleta Durmić Pašić, dr. sci. Aladin Husić, dr. sci. Ermin Kuka (po ovlaštenju), dr. sci. Sedad Bešlija, dr. sci. Jasmin Hodžić, prof. dr. Emir Tahirović te predstavnici/e Udruženja Studentski parlament Univerziteta u Sarajevu: Ali Jusović predsjednik, Almin Pehilj (po ovlaštenju), Almedina Babaj (po ovlaštenju), Davud Isaković (po ovlaštenju) i Hana Husika (po ovlaštenju).

Odsutni/e: prorektor/ica za kvalitet, prof. dr. Kemal Durić, prof. dr. Amina Valjevac, prof. dr. Selma Tosum-Pošković, te predstavnik/ca Udruženja Studentski parlament Univerziteta u Sarajevu Ema Huseinčehajić i Emir Hadžialjević.

Sjednici prisustvuju: Kenan Filipović, generalni sekretar Univerziteta u Sarajevu, Berina Smajlović-Doljančić, rukovoditeljica Službe za pravne poslove, Ilhana Lekić, viša stručna saradnica u Službi za pravne poslove i Aldina Mujanović, stručna saradnica u Službi za pravne poslove.

Sjednica je počela u 14:00 sati.

Sjednicom je predsjedavao prof. dr. Tarik Zaimović, rektor Univerziteta u Sarajevu.

Utvrđeno je da od ukupno 47 članova/ica Senata, sjednici prisustvuje 41 članova/ica Senata sa pravom glasa, od toga deset (10) članova/ica sa ovlaštenjem koje se nalazi u dokumentaciji Senata.

Na početku sjednice, Ali Jusović obratio se članovima i članicama Senata sa prijedlogom da se Dnevni red dopuni tačkom koja se odnosi na informaciju o njegovom razrješenju sa funkcije člana Upravnog odbora

Univerziteta u Sarajevu, predstavnika Univerziteta iz reda studenata i imenovanju na funkciju predsjednika Udruženja „Studentski parlament Univerziteta u Sarajevu“ (SPUS).

Također, prof. dr. Adnan Busuladžić predložio je da se na sjednici razmotre aktivnosti u vezi sa pripremama za upis u narednu studijsku godinu počev od marta 2026. godine. S tim u vezi konstatirano je da će se o navedenom pitanju diskutirati na nekoj od narednih sjednica Senata.

Uvažavajući predloženu dopunu, članovi i članice Senata su sa 40 glasova „Za“ i jednim (1) glasom „Protiv“ usvojili slijedeći

D N E V N I R E D:

1. Razrješenje člana Upravnog odbora Univerziteta u Sarajevu, predstavnika Univerziteta iz reda studenata i informacija o imenovanju predsjednika Udruženja „Studentski parlament Univerziteta u Sarajevu“
2. Informacija o suspenziji prof. dr Muhameda Ajanovića, sa funkcije dekana Univerziteta u Sarajevu – Stomatološkog fakulteta
3. Informacija o donesenom Rješenju Ministarstva finansija Federacije Bosne i Hercegovine u vezi sa dodatno utvrđenim poreznim obavezama Univerzitetu u Sarajevu - Pravnom fakultetu
4. Utvrđivanje Prijedloga Budžeta Univerziteta u Sarajevu za 2026. godinu
5. Utvrđivanje Prijedloga Plana javnih nabavki Univerziteta u Sarajevu za 2026. godinu
6. Stavljanje van snage Odluke Senata Univerziteta u Sarajevu o davanju saglasnosti na raspisivanje konkursa za izbore u akademska zvanja na Univerzitetu u Sarajevu – Elektrotehničkom fakultetu

T O K S J E D N I C E

Ad-1.

Gospodin Ali Jusović upoznao je članove i članice Senata da je 26. 12. 2025. godine, podnio ostavku na mjesto člana Upravnog odbora Univerziteta u Sarajevu iz reda studenata kako bi mogao preuzeti i obnašati funkciju predsjednika Udruženja „Studentski parlament Univerziteta u Sarajevu“. Upravni odbor Univerziteta u Sarajevu je na sjednici održanoj 13. 01. 2026. godine, prihvatio ostavku imenovanog.

U nastavku članovi i članice Senata su cijeneći Odluku o razrješenju i imenovanju predsjednika Udruženja „Studentski parlament Univerziteta u Sarajevu“, broj: 09-03-19-12/25 od 19. 12. 2025. godine, **jednoglasno** donijeli Odluku o razrješenju člana Upravnog odbora Univerziteta u Sarajevu iz reda studenata:

- *Ali Jusović*, student integrisanog studija Medicine na Univerzitetu u Sarajevu – Medicinskom fakultetu, na lični zahtjev razrješava se dužnosti člana Upravnog odbora Univerziteta u Sarajevu iz reda studenata prije isteka mandatnog perioda na koji je imenovan, zaključno sa 04. 01. 2026. godine.

Zatim su članovi i članice Senata su **jednoglasno** donijeli slijedeći Zaključak:

- Senat Univerziteta u Sarajevu prima k znanju Odluku o razrješenju i imenovanju predsjednika Udruženja „Studentski parlament Univerziteta u Sarajevu“, broj: 09-03-19-12/25 od 19. 12. 2025. godine, kojom se Imran Pašalić razrješava dužnosti predsjednika Udruženja „Studentski parlament Univerziteta u Sarajevu“ i imenuje Ali Jusović za predsjednika Udruženja „Studentski parlament Univerziteta u Sarajevu“ na mandatni period od jedne (1) godine sa mogućnošću još jednog uzastopnog izbora.

Ad-2.

Prof. dr. Tarik Zaimović informisao je članice i članove Senata o donesenoj odluci o suspenziji prof. dr. Muhameda Ajanovića sa funkcije dekana Univerziteta u Sarajevu – Stomatološkog fakulteta, pozivajući se na odredbu člana 70. stav (4) Statuta Univerziteta u Sarajevu, kojom je propisano da je rektor obavezan suspendirati dekana/direktora članice u slučaju određivanja mjere pritvora. Također je ukazao na činjenicu da je zbog nastupajućih okolnosti, a u cilju nesmetanog rada i funkcionisanja na navedenoj članici, bilo neophodno imenovati vršioca dužnosti dekana. S tim u vezi, Univerzitet u Sarajevu je u petak, 09. 01. 2026. godine, službenim putem, zaprimio Odluku o izboru prof. dr. Nine Marković za vršioca dužnosti dekana Univerziteta u Sarajevu – Stomatološkog fakulteta. U okviru ove tačke nije bilo diskusije.

Ad-3.

Prof. dr. Tarik Zaimović osvrnuo se na postupanje Ministarstva finansija Federacije Bosne i Hercegovine u vezi sa dodatno utvrđenim poreznim obavezama na pojedinim članicama Univerziteta u Sarajevu. Istakao je da trenutne obaveze prema Poreznoj upravi iznose približno osam miliona KM, te da se u predstojećem periodu očekuje njihov daljnji rast. U diskusiji po ovoj tački učestvovala je prof. dr. Zinka Grbo.

Ad-4.

Prof. dr. Benina Veledar je izvijestila članice i članove Senata o usvojenom Budžetu Kantona Sarajevo za 2026. godinu, te s tim u vezi i potrebu za utvrđivanjem Prijedloga Budžeta Univerziteta u Sarajevu za 2026. Nakon kratkog izlaganja prof. dr. Tarika Zaimovića, konstatirano je da će o navedenom održati elektronska sjednica Senata.

Ad-5.

Prof. dr. Benina Veledar je predstavila članicama i članovima Senata prijedlog Plana nabavki Univerziteta u Sarajevu za 2026. godinu. Prof. dr. Tarik Zaimović se pridružio diskusiji, te je istakao da će se i o ovoj tački održati elektronska sjednica Senata.

Ad-6.

- a) Uvažavajući činjenicu da se u sklopu materijala za ovu sjednicu nalazi i izrađen prijedlog Odluke Senata, prof. dr. Tarik Zaimović je otvorio diskusiju. Riječ je dobio prof. dr. Jasmin Velagić, koji je izložio razloge zbog kojih se ne slaže sa predloženom Odlukom.

U diskusiji su učestvovali: prof. dr. Tarik Zaimović, gđin. Kenan Filipović i prof. dr. Zinka Grbo.

Po okončanju diskusije, rektor Univerziteta u Sarajevu predložio je da se članice i članovi Senata izjasne o predloženoj Odluci.

Članovi i članice Senata su sa 39 glasova „Za“, jednim (1) „Protiv“ i jednim (1) „Suzdržanim“ glasom donijeli slijedeću Odluku:

I

Stavljaju se van snage alineja 1) i alineja 2) tačke 1. Odluke Senata Univerziteta u Sarajevu, broj: 01-14-96/25 od 26. 11. 2025. godine, kojom je data saglasnost Univerzitetu u Sarajevu – Elektrotehničkom fakultetu za raspisivanje konkursa za izbor akademskog osoblja, i to:

- nastavnik/ica u zvanje docent/ica za predmete: *Artificial Intelligence, Machine Learning: Supervised Techniques, Machine Learning: Unsupervised Techniques, Seminar in AI, Machine Learning and Pattern Recognition* – 1 izvršilac sa punim radnim vremenom (Dinamički plan: tabela pod rednim brojem 3, pozicija broj 1),
- nastavnik/ica u zvanje docent/ica za predmete: *Algorithms and Data Structures II, Introduction to Data Analysis and Visualisation, Computational Data Analytics, Formal Models, Basic Scientific and Soft Skills* – 1 izvršilac sa punim radnim vremenom (Dinamički plan: tabela pod rednim brojem 3, pozicija broj 1).

II

Ova odluka se donosi zbog uočenih procesnih i materijalnih nedostataka i to:

- neprovođenja postupka propisanog Statutom Univerziteta u Sarajevu, s obzirom da nadležni odsjek Univerziteta u Sarajevu – Elektrotehničkog fakulteta nije prethodno utvrdio postojanje nastavne potrebe niti je predložio objavljivanje konkursa, čime nisu ispunjene pretpostavke za pokretanje postupka izbora akademskog osoblja, u skladu sa odredbama Statuta Univerziteta u Sarajevu kojima su uređene nadležnosti odsjeka i katedre,
- utvrđivanja prijedloga konkursa suprotno odredbama člana 224. stav (1) Statuta Univerziteta u Sarajevu na način da je izbor akademskog osoblja iz tačke I ove odluke predviđen prema grupi nastavnih predmeta, a ne na jednu naučnu granu unutar odgovarajućeg naučnog polja, čime nisu ispunjene pretpostavke za pokretanje postupka izbora akademskog osoblja, u skladu sa odredbama Statuta Univerziteta u Sarajevu kojima su uređeni opći uvjeti izbora akademskog osoblja.

III

Senat Univerziteta u Sarajevu cijeni činjenicu da se radi o konkursu za popunjavanje upražnjenih radnih mjesta utvrđenih Dinamičkim planom, te da se u takvom slučaju izbor akademskog osoblja može vršiti isključivo u skladu s odredbama važećeg Zakona o visokom obrazovanju i člana 224. Statuta Univerziteta

u Sarajevu, kojim su uređeni opći uvjeti izbora akademskog osoblja na naučne odnosno srodne naučne grane unutar odgovarajućeg naučnog polja.

IV

Zadužuje se Univerzitet u Sarajevu – Elektrotehnički fakultet da ponovni postupak provede u skladu sa odredbama Zakona o visokom obrazovanju i Statuta Univerziteta u Sarajevu, uz sudjelovanje nadležnih odsjeka u dijelu utvrđivanja nastavne potrebe i predlaganja objavljivanja konkursa.

V

Odluka Senata Univerziteta u Sarajevu, broj: 01-14-96/25 od 26. 11. 2025. godine u ostalom dijelu ostaje nepromijenjena i u svemu se odgovarajuće primjenjuje.

VI

Ova odluka stupa na snagu danom donošenja.

b) U skladu sa prethodno provedenom diskusijom, na prijedlog prof. dr. Tarika Zaimovića, članovi i članice Senata su sa 40 glasova „Za“ i jednim (1) glasom „Protiv“ donijeli slijedeći Zaključak:

1. Zadužuje se Univerzitet u Sarajevu – Elektrotehnički fakultet da, putem nadležnog odsjeka, provede radnje utvrđene Odlukom Senata Univerziteta u Sarajevu, broj: 01-1-3/26 od 14. 01. 2026. godine.
2. Zadužuje se Univerzitet u Sarajevu – Elektrotehnički fakultet da usklađene prijedloge, u skladu sa navedenom Odlukom, dostavi najkasnije do redovne sjednice Senata Univerziteta u Sarajevu, čije je održavanje, u skladu sa Akademskim kalendarom za 2025/2026. godinu, planirano za 28. 01. 2026. godine.

Sjednica je završena u 15:10 sati

R E K T O R

Prof. dr. Tarik Zaimović, s.r.

Za Zapisnik:

Aldina Mujanović, stručna saradnica, s.r.